

O'zbekiston Respublikasi

Xorazm viloyati

Bog'ot tumani

HOKIMI

QARORI



Ўзбекистон Республикаси

Хоразм вилояти

Боғот тумани

ХОКИМИ

ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил 14 март

№ 561и

Боғот шаҳарчаси

Хоразм вилоят ҳокимининг 2020 йил 6 мартдаги “Ўзбекистон Республикаси Вазирлар Маҳкамасининг 2020 йил 3 мартдаги “Алишер Навоий номидаги Тошкент давлат ўзбек тили ва адабиёти университети фаолиятини янада такомиллаштириш чора-тадбирлари тўғрисида”ги 117-сонли қарорининг ижроси ҳақида”ги 88қ-сонли қарорининг ижроси тўғрисида

Ўзбекистон Республикаси Вазирлар Маҳкамасининг 2020 йил 3 мартдаги “Алишер Навоий номидаги Тошкент давлат ўзбек тили ва адабиёти университети фаолиятини янада такомиллаштириш чора-тадбирлари тўғрисида”ги 117-сонли қарори ижросини туманда таъминлаш мақсадида

ҚАРОР ҚИЛАМАН:

1. Хоразм вилоят ҳокимининг 2020 йил 6 мартдаги “Ўзбекистон Республикаси Вазирлар Маҳкамасининг 2020 йил 3 мартдаги “Алишер Навоий номидаги Тошкент давлат ўзбек тили ва адабиёти университети фаолиятини янада такомиллаштириш чора-тадбирлари тўғрисида”ги 117-сонли қарорининг ижроси ҳақида”ги 88қ-сон қарори раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан:

Алишер Навоий номидаги Тошкент давлат ўзбек тили ва адабиёти университети ҳузуридаги Давлат тилида иш юритиш асосларини ўқитиш ва малака ошириш марказининг ходимлари умумий чекланган сони 53 нафардан иборат бўлган тузилмаси 1-иловага;

Алишер Навоий номидаги Тошкент давлат ўзбек тили ва адабиёти университети ҳузуридаги Давлат тилида иш юритиш асосларини ўқитиш ва малака ошириш марказининг ҳудудий бўлинмаларининг намунавий тузилмаси 2-иловага;

Алишер Навоий номидаги Тошкент давлат ўзбек тили ва адабиёти университети ҳузуридаги Давлат тилида иш юритиш асосларини ўқитиш ва малака ошириш марказининг ҳудудий бўлинмалари ташкил этиладиган олий таълим муассасалари рўйхати 3-иловага мувофиқ тасдиқланганлиги маълумот учун қабул қилинсин.

3. Хоразм вилояти ҳокимининг мазкур қарори билан:

- Ўзбекистон Республикаси Вазирлар Маҳкамасининг 2020 йил 3 мартдаги “Алишер Навоий номидаги Тошкент давлат ўзбек тили ва адабиёти университети фаолиятини янада такомиллаштириш чоратадбирлари тўғрисида”ги 117-сонли қарорига асосан Урганч давлат университети ҳузурида Давлат тилида иш юритиш асосларини ўқитиш ва малака ошириш маркази (кейинги ўринларда - Марказ) ташкил этилиши;

- вилоят ҳокимлиги (К.Игамбергенов, С.Салаев) Урганч давлат университети (Б.Абдуллаев), давлат активларини бошқариш агентлиги вилоят бошқармаси (Ж.Назаров) билан биргаликда: Марказнинг вилоят бўлимини Урганч давлат университети биносига “ноль” ставкадаги ижара тўлови асосида ҳамда тегишли коммунал ва фойдаланиш харажатларини қоплаган ҳолда жойлаштирилишини таъминлаши;

- Урганч давлат университети (Б.Абдуллаев):

а) икки ой муддатда Марказ уставини белгиланган тартибда тасдиқлаш ва давлат рўйхатидан ўтказиши;

в) 2020/2021 ўқув йилидан бошлаб, вилоят ҳудудида ўзбек тилини ривожлантириш, ушбу йўналишда вилоят таълим муассасаларида она тили ва адабиёти ўқитувчиларига бўлган эҳтиёжни тўлиқ қоплаш ҳамда узоқ ҳудудлардан ўқишга қабул қилинган талабалар учун қулай шароитлар яратиш мақсадида университетда ўзбек тили ва адабиёти бакалавриат йўналиши бўйича сиртқи ва кечки таълим шаклида ўқитишни ташкил этиши;

г) 2020 йилдан бошлаб, илғор педагогик технологиялардан самарапи фойдаланган ҳолда, ўзбек тили бўйича замон талабларига жавоб берадиган, такомиллаштирилган янги ўқув адабиётлари яратишни кенгайтириши;

д) ўзбек тилининг луғат бойлигини янги сўзлар билан доимий бойитиб бориш ва ушбу йўналишда илмий тадқиқотлар олиб боришга мўлжалланган ўзбек шевашунослиги марказини бир ой муддатда ташкил этиши;

е) 2020/2021 ўқув йилидан бошлаб, “Синхрон таржима” ва “Компьютер лингвистикаси” магистратура мутахассисликлари бўйича, ҳамда 2021/2022 ўқув йилидан бошлаб, босқичма-босқич “Адабий-манбашунослик ва матншунослик (этнология)”, “Компьютер лингвистикаси”, “Психология”, “Социология”, “Таржима назарияси ва амалиёти (тиллар бўйича)”, “Фольклоршунослик ва шевашунослик”, бакалавриат таълим йўналишлари ҳамда “Бадиий таржима”, “Илмий-техник таржима” ва “Таржима назарияси ва амалиёти (тиллар бўйича)” магистратура мутахассисликлари бўйича кадрлар тайёрлаш чораларини кўриши;

- Урганч давлат университети (Б.Абдуллаев), ТТА Урганч филиали (Р.Рузибоев), ТАТУ Урганч филиали (М.Байджанов), Ахборот

технологиялари ва коммуникацияларини ривожлантириш вазирлиги вилоят бошқармаси (З.Каримов), Ташқи ишлар вазирлиги Урганч шаҳар консуллик бўлинмаси (А.Канеев) ҳамда Хоразм Маъмун академияси (И.Абдуллаев) билан биргаликда:

давлат тилининг ахборот-коммуникация технологиялари, хусусан, Интернет жаҳон ахборот тармогида муносиб ўрин эгаллашини таъминлаш, ўзбек тилининг компьютер дастурларини, янги методикасига асосланган ўзбек тилини билиш даражасини баҳолашнинг халқаро стандартини яратиш чора-тадбирлари режасини ишлаб чиқиши;

хорижий университетларда мавжуд бўлган ўзбек тили марказларини зарур илмий, ўқув-услубий ва малакали кадрлар билан таъминлаш, ўқитувчилар малакасини ошириш, ўзбек тили илмий тадқиқот ҳамда таълим дастурларини ҳамкорликда амалга ошириш чораларини кўриши;


- Урганч давлат университети (Б.Абдуллаев), ТТА Урганч филиали (Р.Рузибоев), ТАТУ Урганч филиали (М.Байджанов) белгиланган тартибда 2019/2020 ўқув йили давомида олий таълим муассасаларида ўзбек тили ва адабиёти кафедралари ташкил этилишини таъминланиши маълумот учун қабул қилинсин.

4. Туман ҳокимлиги (С.Қурбонов, Р.Шарипов), тумандаги идора ва корхоналар ҳамда ташкилотлар 2020 йилдан бошлаб, ўз тизимидаги ташкилотларнинг бюджет ҳамда бюджетдан ташқари харажатлар сметаларини шакллантиришда ходимларнинг давлат тилида иш юритиш асослари бўйича малакасини ошириш учун тўланадиган маблағлар режалаштирилишини назарда тутсин.

5. Тумандаги манфаатдор корхона, ташкилот ўзлари қабул қилган ҳужжатларни ушбу қарорга мувофиқлаштирсин.

6. Мазкур қарорнинг бажарилишини назорат қилиш туман ҳокимининг ўринбосари Р.Шарипов, ҳамда туман ҳокимининг маънавий ва маърифий ишлар самарадорлигини ошириш, давлат тили тўғрисидаги қонун ҳужжатларига риоя этилишини таъминлаш масалалари бўйича маслаҳатчиси Д.Абдуллаева зиммасига юклансин.

Боғот тумани ҳокими



О. Холбоев